

沈邱縣志目錄

卷之一 天文志 星野

卷之二 地理志 疆域 風俗

卷之三 建置志 城池 街市 倉儲

卷之四 食貨志 橋渡 戶口 徭役

卷之五 祀典志 壇壝 祠廟

祭文附

刑勝

古蹟

縣治

集店

坊表

養濟

山川

邱墓

公署

庄村

舖舍

漏澤

八景

里分

營塚

亭宇

義塚

貢課

卷之六學校志

學制
儀注

祭器
祀考

樂器
書籍

樂章
學田

祭文
社學

卷之七秩官志

職守
武備

公儀

卷之八官師表

封爵
儒職

令尹
合屬

卷之九人物表

辟舉
例貢

甲科
武勛

鄉舉
武舉

拔貢
吏選

歲薦
地封

先聖後
儒職

職官

令尹

卷之十鄉賢

列傳
鄉賢

忠烈
戚里

孝友
貞節

文儒
隱逸

武將
方伎

卷之十一叢紀志

災祥
傳疑

寺觀

卷之十二藝文志

記誌

文苑
藝文

沈邱縣志卷之十

鄉賢列傳

語曰雖無老成人尙有典型夫士居嘗自許述
曰古之人古之人比考其素履亦猶然鄉黨之
耳蠢若歸而求諸鄉之先生長者卽得其一言
一行猶足以風示來茲故覩奮義討賊則思忠
感取賊祭父則思孝覽品評月旦則思鑒之精
觀掃除天下則思志之卓韓昌黎所稱鄉先生
沒有可祭於社者必在斯人矣詎非鄉人士之
所仰止哉文爲傳

鄉賢

漢汝郁字淑異宛邱人仕爲魯相以德化民流民歸者三千戶

戴馮字次仲平輿人也習京氏易年十六郡舉明經徵試博士拜郎中遷侍中兼領虎賁中郎將正旦朝賀百僚畢集帝令群臣能說經者更相難詰義有不通輒奪其席以益通馮遂重坐五十餘席故京師詔曰解經不窮載侍中卒於官詔賜東園梓器錢二十萬

陳壽字季平廣人也年十五嘗閑處一室而庭

宇蕪穢父友同郡薛勤謂之曰孺子何不洒掃以
待賓客蕃曰大丈夫處世當掃除天下安事一室
乎勤知有清世之志甚奇之郡舉孝廉除郎中遭
母憂去官太尉李固表爲議郎遷樂安太守有清
勳累遷尙書僕射延熹八年爲太尉李膺等以黨
事下獄蕃上疏極諫桓帝諱其言切託以辟召非
人策免之永康元年一崩竇太后臨朝以蕃爲太
傅錄尙書事與大將軍竇武同心盡力徵用名賢
共參政事天下之士莫不延頸想望大平後與武
謀誅嬖倖事泄遇害

許劭字子將平輿人少峻名節好人倫多所賞識
與從兄靖俱有重名好共覈論鄉黨人物每月輒
更其品題故汝南俗有月旦評焉曹操嘗造求爲
已目鄙其爲人不對操脅之不得已曰君治世之
能臣亂世之奸雄也操喜而去初爲郡功曹府中
聞子將爲吏莫不欣欣行司空楊彪辟舉方正
敦樸徵皆不就又勸之仕曰方今小人道長王室
離亂吾欲避地淮南以全老幼乃南到廣陵刺史
陶謙禮之甚厚劭告之曰聞恭祖外慕虛名內
非真正待臣雖厚終必害之

事濬父老遮留不可亦肖像祀之歷武選武庫
曹侃侃持正不避權貴轉山西按察司副使有總
兵郭虎失符驗委之千戶以塞責獄成公疑之白
之當道曰總兵例應親代郭虎不候代而以劄印
付千戶新帥至封筵如故罪不應坐千戶而坐虎
一時衆心允服風猷益振課最轉上黨飭部伍精
器械謹斥塹廣儲蓄以剪除強悍培植善類爲先
奉命閱邊馳驅數千里指畫扼塞條陳機宜著九
邊圖說以進上大悅賜璽書褒嘉焉再丁外艱服
闋補雲中兵憲以互市功再蒙欽賞轉浙江廉憲

持法益堅甫期月轉本省右轄清理戎政尋晉左
轄歷任未久中丞張以減餉失士卒心衆鼓噪擁
中丞郊外磔其首藩臬皆引避去公挺身當前開
陳利害宥其脇從衆始帖然以同事引罪調福建
左轄時沿海有倭警戶口播遷公悉心經畫請旨
丈田嚴勵諸司按籍招撫民困以甦以疾歸當事
屢檄徵之再補滇轄值緬酋爲亂兵燹之際經費
不貲沐帥以勲戚包攬乾沒爲地大害公清察本
鎮無疆地畝勒令出租不增賦而所足止其苛索
戊子監臨鄉試得士朱思明等四十五名奏以

乞歸因致政焉公廉潔性成不設城府自筮仕迨
覃成橐中圖書外無長物居鄉循循恭謹遇大事
一言立決非其義毫髮不敢干以私癸巳歷癸卯
比歲不登公舉廩餘周恤里人至今誦之壬寅以
覃恩晉正二品公沒後值黃河潰決大興工役沈
以屢荒不能趨事民病之會公門生朱公思明者
爲管河使進沈邱夫役訊公衆以逝告因泣訴以
邑中凋殘之狀朱公念沈爲公枌榆所在遂憐而
免其役沈人曰劉公旣沒仍受其賜有如斯夫崇
禎甲戌題准祀鄉賢

孫守已由歲薦任滕縣主簿分署戚城時值屯田
民貧慨出私囊遍給牛種民倚賴之甫一載以母
九旬致仕終養家居濟人睦族有范文正公風時
有橫逆加之者公閉門弗與較時人呼爲孫佛其
後裔悉補弟子員長子依教好爲導引謝絕塵囂
仲子依訓恬淡自守足跡不涉公門先後令尹因
贈人今道古士林真品二匾旌其門迄今鄉黨無
不思其忠厚足勵近時之漓風云

盧璋字粹夫號東泉魯藩長史元愷公之子福建
臬司盧璘之兄也居鄉謙恭淳厚好義樂施鄉里

中有貧不能養不能葬者皆周濟之凡俊秀子孫
無讀書之資者設立義學延師教訓之從父之使
雲南父以俸金三百授之持歸途遇建石橋功大
缺費遂以百金捐旋里值克歲盡以所携施濟父
有竹版店房庄地三處當與弟盧瑞均分者璋憐
其弟幼盡數讓給時里人有盧氏三讓產之說以
贈例授光祿寺丞嘗自額其室曰閒觀世態縣學
咸重其品行

盧紹恩字嗣忠號從吾元愷公次孫生而穎異有
大志以明經授休寧丞陞辭之日具疏自陳曰貢

士自作秀才時不曾俛首污稱今日作丞其何以
對上官乎舉朝胥嘉之曰正直如君知君不負丞
矣上果允其所請傳布直省凡正途佐二俱與正
印官同禮一時耳目一新蒞任多異政終養回籍
著有一得稿四書醒言勸世編行條鞭議築河堤
說行於世

盧文鴻號冲元稟質剛方爲學精敏萬歷癸巳選
貢授洛川令改調吳堡政績告成恭膺褒封萬歷
丙辰陞劍川州刺史以終養致仕回沈大飢仗義
施粥全活者衆擬祀鄉賢

李如桂號冲虛天資淳厚篤學不倦孝友性成嘗
書百忍歌爲座右銘萬歷壬子歲薦任上蔡司訓
日與弟子員講學課莠陞山西代州學正享年八
十閭邑推重

張斗寅號星宇幼穎悟博聞強記堅白自守萬歷
辛丑歲薦歷江南太和訓導浙江新城教諭汝寧
教授歸隱不干世事有古君子風

張接武字肖甫號雲程性英敏氣骨稜稜萬歷丁
酉選貢任四川榮縣令山僻斗邑政繁民猾公蒞
任精明渾厚以除害興利爲己任勸農課士剔蠹

除耗諸善政騰民口碑拮据三載以丁憂回籍優游林下十餘載至今鄉人想慕丰采云

李如霖字媚澤號蕃英天啟辛酉舉人崇禎二年署山西忻州學正州庠科第聯綿至辛酉後發跡無人公蒞任分立文社親加剪拂四方知名者負笈踵至癸酉中式兩人悉公賞鑑之士四載兩膺正薦崇禎七年陞陝西城固令彼時流寇猖狂城固素有池濠時久未濬遂成棄田有力者侵占凡半邑令屢次議鑿輒阻於權貴公到任見有城無池卽簡閱志書載有池濠舊額濶四丈五尺力請

之當道疏通恢復如舊涯以潯水又將城垣加高
五尺計費二千餘金悉公多方設處三月報成士
民始有固志值老徊徊小紅郎一條龍等賊突至
攻圍數月無瑕而去節鉞李公直指傅公楊公趙
公姚公姜公等前後交章薦之崇禎十一年流賊
合營入犯漢中總制洪公檄公防昇仙口距五十
餘日斬賊級百七十顆奪回男婦五十二口驟馬
三十三匹當道以奇功具題加服俸二級歷任五
載列薦剡者七獎勵者五後因宦僕通賊公力捕
殺之遂被中傷回籍閉門謝客不親俗務每聚子

沙丘縣志卷之十一
若孫闡釋經史考較文苑教以忠孝謙恭之義縣
學嘉其賢請就鄉飲正席固辭不出至再勉從迄
今旣沒都人士猶仰之爲麟鳳山斗云

李孕嘉字孚公號元會生而倜儻至性過人事嫡
母以孝著由拔貢任江南潛山令甫兩月賊張獻
忠犯境身冒矢石援寡被執罵不絕口遂遇害從
死者十一人崇禎十五年贈太僕寺卿賜祭塋崇

祀鄉賢

詳見忠貞亭內

楊訓號佩弦淹貫群書知名當世以崇禎癸酉歲
薦任彰德府學訓導爲人持重寡言笑足跡不入

公府不履市廛與其兄謨閉門却掃相爲師友寒暑講誦不輟嘗教授生徒因才造就四方負笈者踵至戊戌進士劉祖向辛卯舉人孫馥咸出其門兄謨以恩選任合肥丞有惠政

國朝李煥字澹菴生而器宇凝重少嗜學卽知聖賢所當慕尙每聞忠孝語輒不禁起舞明末張獻忠陷潛山煥父孕嘉慷慨殉難煥以諸生匍匐叩

闕疏三上卒得賜贈太僕少卿經兵火之後家

業蕭條奉事寡母先意承志及喪塋一遵家禮毫無遺憾嘗語子弟曰良家所事惟耕與讀耳專耕